



東游草

雲間陸應陽伯生著

會稽季大觀賓王校



一樽

一樽留汶上見月幾回圓  
髮短漂零日心長著述年  
林黃秋雨後雁白曉霜前  
不易銷憂地登樓憶仲宣

望岱

振衣何處訪靈關。宮闕金銀杳靄間。雲色乍開  
秦一柱。峰陰近壓魯諸山。斗窺帝座星辰上。徑  
轉天門日月間。玉女三漿如可問。御風直欲采  
真還。

登岱次李于鱗韻

萬靈誰不此朝宗。山帶嶙峋梁父從。海月曉開  
神女鏡。斗杓寒插丈人峰。雲盤鳥道青天落。秋  
老松陰白日封。矯首忽疑霄漢上。半空何處響

疎鐘

自岱顛冒雨而下酌高山流水亭

海門何處望蓬萊。俯瞰空濛天倒開。飛屐總隨  
黃葉下。沾衣猶帶白雲來。寒飛雨色千崖雪。風  
亂泉聲萬壑雷。立馬高山聽流水。知音不作幾  
徘徊。

秋暮宿靈巖同黃履常陶大冶分得秋字  
不遠諸天界。聊分半日幽。雲歸孤寺冷。竹抱一



庭秋泉白懸鍾乳山青臥佛頭繩床如可借不  
為酒淹留。

題鐵袈裟

夜夜山頭風雨呼袈裟苔繡鐵衣枯山僧若解  
空王意為道西來相有無

黃花洞

石樓天半倚雲開神女翻經舊有臺霜葉望中  
花萬樹夜深疑駕寶幢來

白雲洞

丹梯萬仞白雲生玉闕峻嶒接上清夜半列仙  
朝太乙天風吹落步虛聲

大夫松

五松曾作大夫看如蓋天門六月寒半化虬龍  
風雨後恐令人道是秦官

無字碑

斗挂天門夜不扃五丁風雨怪山靈何年一洗

秦人蹟剩得峰頭片石青

丈人峰

梁父徂徠不敢看  
凌室片石老雲端  
夜深獨立峰頭月  
影落天門萬樹寒

日觀峯

漢使尋仙舊有臺  
雲中宮闕想蓬萊  
天鷄忽動扶桑曉  
驚見三山日色來

夕泛

霞光樹色亂浮杯  
秋水平湖天倒開  
月挂一帆雙槳動  
却疑牛斗汎槎來

舟次雜言

田家苦力作八口  
不療饑杼柚工織婦  
卒歲無寒衣何如  
冶游子裘馬詫輕肥  
造物豈夢夢達人  
貴知幾

白髮不待歲種種  
與愁期人生樹六尺  
誰為松柏姿日月  
如轉丸行樂湏及時  
試問愚公谷咄



咄無乃癡

題黃石公祠

素書當日破鴻濛  
俎豆千秋黃石公  
不是圮橋三進履  
漢家誰奏帝師功  
異人何事隱蒿萊  
孺子翻成王佐才  
為問赤松  
絳漢後可曾到訪  
穀城來

秋日書懷

山城一夕秋風起  
落葉聲聲入人耳  
往事傷心

魂夢中半生作客  
乾坤裏年年結俠  
問魚腸處  
處探竒  
滄石髓  
鸚鵡還驚一座人  
琵琶欲泣三  
江水鹿門老我作  
山翁狗監憑誰薦  
天子生  
計荒涼  
白板扉  
文章錯落烏皮几  
江湖傲骨恥  
干時犬馬流年羞  
問齒爭席偏隨鷗  
鷺羣  
銜杯  
半入柴桑里  
交游五嶽盡人豪  
奏記八行傾國  
士世上常飛六月  
霜匣中肯抱千金  
死漂零獨  
夜賦登樓多少  
諸侯曾倒屣  
差幸豐城斗氣高



千秋不恨無知己

棗樹吟

憶昨蟬鳴秋樹顛。纍纍棗熟女牆邊。兒童一見  
一懽然。朝垂涎。暮垂涎。枝頭摘盡空秋煙。一夕  
西風黃葉墮。寒枝蕭索吟朝露。舊日兒童曾不  
顧。

九日留陰亭黃菊盛開主人以公事出

長日公餘學灌園。滿庭黃菊受霜繁。知君不是

柴桑隱。花到開時已出門。

蕭疎何處可登臺。落帽參軍竟不來。人世百年  
逢九日。風流幾醉菊花杯。

九日憶敬中諸同社

此日天邊白鴈羣。西風吹不到江濱。却憐舊社  
登高客。踏破吳山幾片雲。

秋色江門兩地分。亂峰深處幾停雲。憑高忽縱  
風前嘯。吹落吳天聞不聞。



何處青樽憶舊游  
白雲黃葉望中收  
無邊客思憑欄外  
萬里天空一鶴秋

得沈廷尉純甫書却寄

千里鴻書問隱淪  
依然天際想清塵  
知君故是批鱗客  
老我今非結襪人  
寄跡一羶寒舊物  
憐才四海憶平津  
江湖未許投閒日  
可向秋風賦采蓴

公謂烟霞夢切故及之

邂逅李林玄舟次忽復言別悵然有懷

我從吳會來君向故山去  
天風吹雁行交臂忽相遇  
誰知交臂懽翻作別筵苦  
一水即天涯離思深江浦  
願為江上雲隨君雙車輪  
願為水中鷗隨君青雀舟  
願為蘭草芳隨君佩衣裳  
感彼零露漙邂逅倘不易  
一日如三秋望望渺天際  
滄海多波瀾遲爾澄清轡

龔廉訪汝脩自嶺南惠問志感

都門一散故人杯  
客抱何年得好開  
倦立西風



秋色老忽驚南海夜光來天涯繾綣緜袍意嶺  
表澄清攬轡寸聞道羅浮春信蚤不知開到幾  
枝梅

客中元日

半生天地客中深醉咏梅花是越吟不定江湖  
鴻雁跡有懷兒女歲時心梅探故國遲芳信鳥  
帶春風自好音若解蒙莊齊物意肯將年髮待  
愁侵

雪夜得傅侍御伯俊詩策却寄

箋驚桓胤惠新裁空谷跼然客抱開此夜一尊  
歌白雪却疑春色郢中來

傳雲欲賦幾登臺忽剖雙魚冰乍開色動袁安  
深雪裏不煩賢令掃門來

可道窮愁臥草萊聖朝何地不憐才江南父老  
思霖雨還乞君王夢裏來

早春汶上得龔汝修報詩以慰之時自東



東洋草  
粵廉訪致政

攬轡澄清失范滂官途何地不羊腸總知造物  
閑桑園可使浮名老瘴鄉澤國鴈來湖柳放海  
門帆挂水雲長五茸釣叟班荆處喜爾投竿鬢  
未蒼

獨夜聞鶴唳東履常

只尺佳人不可期虛堂燈火夜遲遲忽然獨雀  
傳清唳正是詩成月上時

傅侍御伯俊以詩筆見招却寄

彈缺言歸鬢已絲神交天地幾相知忽驚黍谷  
春來早莫訝龍門客到遲雲白萬山橫雁字村  
紅二月有花枝布衣倘許斑荆地十日平原尚  
可期

歲莫李伯東自盧龍割俸相問誚之以詩  
時伯東有祖母之戚

長天鴈盡朔雲高別思窮愁催二毛風雪一絨



千里外頓令寒色破絳袍  
使車高擁雪霜清  
秋盡悲風古北平  
一夜啼烏數行淚  
知君不淺報劉情

寄梅中丞客生

受降城上曉霜明  
十乘飛揚鼓角聲  
橫槊賦成秋校獵  
請纓心壯夜譚兵  
雄風閩外知名久  
清嘯樓中料敵平  
自愧陳琳頭漸白  
敢從書記勒燕銘

李給諫携觴挂劍臺感而有作

古人結交惟結心  
令人結交惟結金  
朝為刎頸暮秦越  
墓有宿草誰相尋  
嗟嗟義士吳季子  
寸心那肯負知己  
寶劍孤懸隴上枝  
友道千秋未見至  
今墓草發遺靈  
風生劍鏑長青青

懷敬中渡江消息

望望清塵淮水東  
鴈聲嘹亮楚天空  
江帆一片



春風裏載得桃花幾樹紅  
雲淨花明二月天故人遙憶入朝年望中春草  
江南色綠送征車何處邊

訪傅伯俊曲水莊同陳東甫觴咏達旦分  
得香字明字

百里尋君曲水莊依然列席引求羊清尊醉落  
千門月芳草吟殘一徑香詞賦有盟何論晚江  
湖無地不容狂但愁楊柳風前色明發青青又

兩鄉

春堤十里落霞明雞黍盤桓是舊盟樹色到門  
啼鳥亂雲陰入座草堂清豪兼北海開尊興詭  
善東方玩世情如此勝游如此地幾人能不負  
班荆

題陳敬之山亭

經旬聊避俗盡日不聳喧一水雲連郭孤村竹  
抱門受風蟬噪急過雨豈花繁羨爾於陵後清



東林草  
十一  
時好灌園

題長水禪院

一丘三泖上暑不到禪扉境接人煙少天連島  
樹微化龍銜月出孤鳥帶雲歸憐絕蕭閒地何  
年此息機

送潘節甫還朝

我從山中來君別山中去交臂曾不懽分首亦  
何遽人生豈鹿豕安得常相聚亭亭江上雲青

入淮南樹彩鷁吹涼風只尺天門路真人御天  
門遇合匪遲暮顧子韜鰲眉薄免入宮妬東海  
菰蘆中淪落五石瓠壯心不復還顛髮已改素  
同志者寥寥獨往自成趣佇傷秋空落霞與  
孤鶩何處逢雙鯉因風寄情悖

夏日過陳敬之山亭與倪仲晦燕坐

問竹因過此人疑是子猷到門蒼蘚合掃榻綠  
陰留鳥下孤村夕林深六月秋何緣共知己分



得艸堂幽

風雨客中之酒戲簡仲晦

一瓢携杖日五畝  
輟畊時風雨驚秋  
早山村乞火遲性  
常便作客懶不廢  
吟詩癖莫樽醪地  
何人此問竒

江上得韓宗伯詩策

何處踈鐘報夜闌  
一江風露濕漁竿  
月明秋水鮫宮近  
手探驪珠未敢看

過彭城簡黃計部

君名應聘蜀人

霜清雲白想丰神  
使節飄搖領上津  
聞道關門懸水鑑  
自慚不是棄繻人

山山木落楚天秋  
風急孤帆不可留  
一水神交南北夜  
月明相憶在黃樓

任城道中遇雪簡履常

行路難如此愁中  
半越吟河流東下  
急雪色北來深以  
我浮家意知君下  
榻心清樽如卜夜  
還



道勝山陰

登水部雲來閣望雪

極目如銀海。長空凍落霞。有山皆種玉。無樹不  
飛花。寒渚沉孤鴈。同雲壓萬家。還憐僵臥者。百  
結未全遮。

霜塗寒樹結而成冰。風動若有花落江以

左無此景色也。漫言紀之。

扶踈寒望裏。霜葉向誰嬌。柳壓冰千樹。風飄絮

萬條。子猷乘雪夜。神女散花朝。欲作江梅伴。先  
春未肯消。

汶上歲晚懷敬中一字不得

計程千里外。便覺是天涯。人立西風老。書來北  
鴈遲。山青懸別日。艸綠報歸期。此夜長安月。知  
君載筆時。

得敬中武選報寄懷

懷中明月向誰投。燕市依然記昔游。拙宦十年



纔五品故人一別動三秋譚兵帷幄風生坐浪  
跡江湖雪滿頭兩地相思莫相問莫雲春樹總  
悠悠

汶陽秋暮送季賓王客游荊州兼簡沈觀

察

西風落葉酒初醒嘹亮征鴻不可聽歲歲一羶  
秋寄食星星雙鬢老譚經帆懸漢水孤雲白樓  
倚荊門萬樹青地主自來能下士肯教王粲獨

飄零

過白下訪季司成亦卿立秋次日

雲白山青落日邊興乘天際一帆懸雨餘江水  
平如雪錯認山陰訪戴船

碧天初曉帶踈星何處風飄一葉青雙屐萬山  
秋色裏勝游還借艸堂靈

故人何地可班荆天入秦淮暑氣清此夜月明  
江上客夢魂先到石頭城



送亦卿江上

楚天涼雨濺征袍  
西望關門紫氣高  
明發霍然知病起  
送君惟有廣陵濤  
淮水長空挂碧天  
寥寥征鴈夕陽邊  
一帆秋色隨君去  
何處蘼葭不可憐

錦帆一片渡中泠  
惆悵勞勞江上亭  
酒伴不來詞客去  
六朝山色為誰青  
賦歸曾不為江蓴  
命駕秋風傲角巾  
拂拭舊時

萊彩色到家應慰倚閭人  
誰道黃河百丈深  
相看不及故人心  
秋高願爾加飡飯  
江鴈來時寄好音

與鄭計部邂逅留陰亭  
不得清字

逆旅勞相念  
春風緩客程  
星占百里聚  
月墮一樽清  
醉識狂奴態  
詩憐拙宦情  
淹留問長夜  
不易此班荆

元夕送傅伯俊還朝  
兼簡申二敬中



東津草  
十六  
二五十一  
驪歌况可客中聞行色天邊動斗文舊日西臺  
思諫草美人南國有停雲樽紅幾夜燈花發月  
白孤城鴈影分闕下共誰操郢曲春風吹不到  
鷗羣

千秋曲十二首壽師相申公

掉臂歸來天地寬半披朱袞半黃冠鏡看眉際  
樵花色不用仙家九轉丹  
光嶽開人五百期望高王佐九重知十年綸閣

宣麻地羸得歸來鬢已絲

清風一徑許誰攀秋老長林白日閒一局棋殘  
松月上令人錯認爛柯山

興乘月夕與花朝猿鶴烟霞日可招一自赤松  
絳漢後山中何地不逍遙

麻姑八月駕仙槎揮手蓬萊路不賒香氣到門  
麟脯擗有人知是蔡經家

平津姓字識千秋綠野烟霞護一丘社稷計



東坡集  
安身乍隱人傳綺皓即伊周

琅函鴻寶道先聞風骨神僊自不群長日杜門  
餘紫氣架頭曾著五千文

一畝方塘五桺垂閒來心事白鷗知但嫌門徑  
紛珠履半是銜恩半問奇

秋半江天月正華大浮一石醉流霞離盤携出  
安期棗還勝青門五色瓜

十年霖雨借當塗一日扁舟下五湖聞道九重

猶側席未應高枕著潛夫

采真何必問天台到處幽探破石苔絕壁半空  
飛屐上山僧盡道御風來

秋高九畹露華滋僊種驚看天上移不用謝家  
歌寶樹拂雲庭玉有連枝

題王岡伯園居

藁桂憐秋半幽尋仗有君汲泉初種竹結屋半  
巖雲香入青蓮界閒分白鷺群到知巖壑意不



待勒移文

姚江夜泊懷史汝和楊太素呂伯繩孫士

行諸君子

部門烟樹望中賒秋水孤帆帶落霞獨客江湖  
餘短髻故人蹤跡半長沙萬山月白初來鴈三  
徑霜紅已着花只尺一尊成間阻何論明發又  
天涯

夜抵姚江哭邵司寇

動地潮聲撼部門萬家燈火正黃昏到來忽洒  
羊曇淚不是西州亦斷魂

婁上懷張仲立

風色利如此扁舟未可停潮魚孤雨白天落片  
峰青鴈闊懷人夜雲扁載酒亭寂寥婁水上誰  
識少微星

姚直指書來悼李于鱗無後表其墓而哀  
之以詩誼甚高也感而有作



當代才名七子論，曾將牛耳傲乾坤。誰憐埋骨  
青山後，猶屈觀風白簡尊。意氣千秋空御李，艸  
萊一日重題門。琴三尚有知音者，滄海應歸五  
夜魂。

度錢唐江吊邵公司空

舊是西陵道，那堪閭夜臺。白隨江鴈下，青破越  
山來。斗氣沉孤劍，濤聲咽暮雷。有懷國士淚，不  
為嶺猿催。

秋夜酌王岡伯池亭出詩草見眎喜而有

作

佳會豈偶爾，宵鍾不用催。詩成池上艸，月落掌  
中杯。林白寒雲臥，天清一鴈來。坐憐招隱意，藜  
桂幾枝開。

榆米歌

榆莢如錢，嘗入詩句，獨未聞莢中  
有米，可食也。余偶見之，漫紀其事。

青青榆，誰手植。莢如錢，米如稷。可炊儘可食，兒  
童道旁爭拾得。齊人往往將療饑，却笑吳儂未



嘗識君不見柳絲空自黃。柳絮空自白。飛來飛去逐春風。片片沾泥亦何益。當門種柳還種榆。夏月清陰更堪惜。

哭季中允亦卿

別路驚看。在白門一尊曾共泣。離魂江頭秋水。年年落不見。潮痕見淚痕。

西風消息。怪相聞。回首中原失。鴈羣勝地共誰常。載酒莫年令我轉思君。

憶昨江楓送客舟。故人一別已千秋。延陵臺畔

歌黃鳥。願得因風寄宛丘。

時余客張秋有挂劍臺在

萬木悲風。日夜吹大堤。寒色艸離離。懷中亦有徐卿劍。何日懸君隴上枝。

洛下誰堪寄典刑。草玄溪處一羶青。御風昨夜天門去。不是文星即酒星。

風落啼鳥幾樹霜。不堪垂白有高堂。蕭蕭夜泣青藜火。行路誰憐季敬姜。



早擅雞林著作名。胡然一夕厭承明。當年多少  
譚經客。若個交情見死生。

大夫風骨謫仙才。不意斯人竟草萊。地下若逢  
梁苑客。也應驚覩大巫來。

思君不見夢君賒。半想仙家半道家。五夜一峰  
高太室。共誰踏月采三花。

搖落青山舊社寒。江花空自憶長干。當年贈有  
鷺人句。風雨牀頭不忍看。

人情世路總茫然。何代知音不可憐。一自鍾期  
相失後。至今流水泣朱絃。

夜臺已賦玉樓成。湛露猶然賜馬卿。信是茂陵  
息不薄。可無遺草報金莖。  
聞中允命下而亦卿已亡

立馬中原悵落暉。青山竟與故人違。夜深若醉  
西州路。知是羊曇淚濕衣。

九天龍去挾風雷。誰薦泉臺酒一杯。河嶽有靈  
君不死。故人應待素車來。



天寒鬼火怨黃昏。嵇呂蕭條石上樽。一片山陽  
舊時月。不因隣笛總消魂。

雄雌神物會豐城。拂拭星文不敢輕。忽報鎮邪  
龍化去。佩刀時向匣中鳴。

乙未之秋與君別。自白下不旬月而訃聞矣。  
傷哉才如君。意氣如君。薦友道如君。而可遽  
死。耶造物夢夢矣。君雅善絕句。而亦雅善余  
絕句者。湯賦十六首寄君。長郎鏡臨風歌之。

可以當哭

春暮寄懷周公美

九十春將去。懷人但倚樓。山青幾兩屐。月白一  
扁舟。鷗夢懸清夜。鴻歸候早秋。豫章書問少。莫  
不有沉浮。

上巳日戊己山亭同履常餞別朱太復

一咲逢君老。抱寬勝游誰。忍不盤桓且。乘曲水。  
浮杯興暫借。離亭把臂歡。雲盡曉山青。入坐風



疎堤柳綠憑闌他時鴈影中原濶應念關河此  
會難

江南春五首寄黃學士懋中

清谿杜門春晏曲几攤書晝長筍過山階玉立  
茶分石鼎泉香

一榻清風棋局百壺春酒山亭洛下花開魏紫  
雲邊曲度秦青

處處芳菲桃李山山烟雨樓臺林外采茶人去

溪頭載酒客來

啼鳥聲聲花外眠鷗片片湖中倚棹烟波夜月  
舞堤楊柳春風

人情知足常足世事偷閒便閒麟閣總歸黃土  
蒲輪不換青山

見水部初植堤柳忽然成林志感

馬頭芳艸綠初肥歲歲春歸客未歸風亂接堤  
新柳色又看青拂使君衣



同水部集劉太學牡丹下紀興一首

去年此日此花前。曾醉君家酒十千。  
 荏苒風塵年復年。落魄依然汶水邊。  
 勞君折簡呼雙屐。兩過青林香布席。  
 名花有態。還有神坐中。應識吳狂客。  
 乍驚國色帶朝霞。想見傾城出絳紗。  
 慶雲欲墮舞衣紅。腰枝朶朶迎春風。  
 聞昔洛陽稱魏紫。妖嬈未必能勝此。  
 掌上光搖琥珀杯。枝頭露滴珊瑚蘂。  
 花方笑日未闌。勝游四美兼二難。  
 誰人此地不開顏。誰忍當歌不盡歡。  
 一石且罄淳于酒。把酒酌花為花壽。  
 萍踪江北與江南。來歲花時相憶否。

題黃水部三餘齋

長日頻過此。風清午散衙。  
 誰言是官舍。吾意即山家。  
 庭草綠生帶露。樅紅着花興乘春。  
 色好不惜醉流霞。

狄明升五十生朝命觴西第同傅伯俊詩



以壽之

烟霞蠟屐興如何。開徑時容二仲過。綠鬢功成  
投綬早。青山業在著書多。到門春水閒鷗鷺。一  
榻清樽戀薜蘿。誰似歲星今大隱。風塵曾不受  
巖阿。

酌張仲立衙齋

佳會天涯豈偶然。無邊心事一樽前。白頭愧我  
蓬飄日。皂蓋憐君磬折年。百里聚星高夜色。萬

家垂柳散春烟。預愁明發清源上。馬首催人又  
各天。

元夕後集明舛翠微臺次明舛韻

卜夜憑凌百尺臺。寒星半落掌中杯。張筵尚及  
春燈後。舞袖還隨暮雨來。老去青山全傲骨。調  
操白雪自僊才。扁舟轉眼江湖濶。容易花前醉  
幾回。

游南湖記



東坡志林 十一  
甲午夏六月之下浣。黃水部履常。自任城視河而北。余與陶子從之行。行可七十里許。水部率河津吏。循隄問水。僕僕徒跣者居半。余方歌枕而吟。謂且勞苦水部乎。乃履常業已治一刀湖。中呼余兩人。亟起。則大詫。江以南無此選勝也。湖亘百餘里而寬。藕花爛熳。開者不可以畝計。綠蓋成陰。香風撲酒。酒未半而夕陽在山。紅紫續絲。相映萬狀。則愈出而愈奇。如金谷妖姬。列

行起舞。觸目可憐。如凌波仙子。羅襪飄搖。烟霏不染。如神女乍出巫山。采雲將墮。如夷光浣紵。潏上。秀立鰲眉。如漢臯解珮。綽約生妍。如文君聽琴。香魂波蕩。如楊太真國色朝酣。晚妝初罷。如趙家姊妹。先生掌上。爭寵昭陽。如麗娟在握。吹氣勝蘭。翩翩乎隨風欲去。余三人頷而樂之。乃舉酒大浮。扣舷而歌曰。涵萬頃兮波光。醉千花兮夕陽。隨風蕩槳兮聞清香。雲水茫茫兮興



未央歌闋而日已暮。榜人告曰：可返矣。遂乘流  
問泊舟處。回視紅紫繽紛。渺若烟波杳靄之境。  
又慨然舉酒。曼聲而歌。歌曰：水淼淼兮雲蒼蒼。  
香風動兮薦微涼。恍惚神女兮賦高唐。欲來不  
來兮空斷腸。落霞隱映兮放歌滄浪。載游載遨  
兮即吾醉鄉。黃子抵掌謂予不可無記。遂援筆  
書之。而屬陶子作圖以傳。

